

Zavod zdravstvenog osiguranja i reosiguranja
Federacije Bosne i Hercegovine

Anex I

Financijski plan fonda solidarnosti
Federacije Bosne i Hercegovine
za 2016. godinu

Sarajevo, listopad 2015. godine

Zavod zdravstvenog osiguranja i reosiguranja
Federacije Bosne i Hercegovine

Financijski plan fonda solidarnosti
Federacije Bosne i Hercegovine
za 2016. godinu

Sarajevo, listopad 2015. godine

Sadržaj	
UVOD	1
PLAN PRIHODA I RASHODA FEDERALNOG FONDA SOLIDARNOSTI U 2016. GODINI.....	2
1. Prihodi.....	2
2. Rashodi.....	4
2.1. ZDRAVSTVENE USLUGE	7
2.1.1. Usluge kronične i akutne hemodijalize.....	7
2.1.2. Prijevoz na hemodijalizu	7
2.1.3. Usluge radioterapije kod malignih oboljenja.....	8
2.1.4. Usluge iz oblasti nuklearne medicine	8
2.1.5. Usluge PET/CT.....	8
2.1.6. Usluge novorođenačkog skrininga na kongenitalni hipotireoidizam, fenilketonuriju i adrenalnu hiperplasiu.....	9
2.1.7. Usluge dobrovoljnog i anonimnog savjetovanja i testiranja na HIV/AIDS	9
2.1.8. Usluge ugradnje kohearnog implantata kod djece.....	10
2.1.9. Usluge dijagnostičkih pretraga na hepatitis C i težih oblika hepatitisa B.....	10
2.1.10. Usluge humane reprodukcija lica sa invaliditetom.....	10
2.1.11. Usluge iz oblasti kardiologije i kardiokirurgije	11
2.1.12. Usluge iz oblasti neurokirurgije.....	12
2.1.13. Usluge iz oblasti ortopedije i traumatologije.....	12
2.1.14. Usluge iz oblasti torakokirurgije	13
2.1.15. Usluge iz oblasti transplantologije.....	13
2.1.16. Usluge iz oblasti vaskularne kirurgije i invazivno-interventnih procedura na krvnim sudovima	14
2.1.17. Usluge iz oblasti urologije.....	14
3. BOLNIČKO LIJEČENJE POVRATNIKA IZ FBiH U OPĆINE U RS	15
4. LIJEKOVI I MEDICINSKA SREDSTVA	15
4.1. Lijekovi za dijalizu	16
4.2. Potrošni materijal za dijalizu	16
4.3. Citostatici.....	16
4.4. Antiretrovirusni lijekovi.....	17
4.5. Lijekovi za profilaksu respiratornog sincijalnog virusa (RSV).....	17
4.6. Aparati i trakice za kontrolu šećera u krvi.....	18
4.7. Lijekovi za liječenje oboljelih od hemofilije i humani imunoglobulini	18
4.8. Lijekovi za liječenje oboljelih od Hepatitisa C i B.....	18
4.9. Lijekovi za liječenje multiple skleroze.....	19
4.10. Imunosupresivni lijekovi	19
4.11. Lijekovi za liječenje upalnih bolesti debelog crijeva (Chronove bolesti i ulceroznog kolitisa).....	20
5. LIJEČENJE U INOZEMSTVU	20
6. OSTALI RASHODI U FUNKCIJI PROVOĐENJA PROGRAMA SOLIDARNOSTI	21
7. POKRIĆE GUBITKA IZ 2011. I 2013. GODINE	21



UVOD

Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod osiguranja i reosiguranja) je suglasno odredbama članka 27. Zakona o proračunima u Federaciji Bosne i Hercegovine ("Službene novine Federacije Bosne i Hercegovine", broj 102/13, 9/14, 13/14 i 8/15) i odredbama članka 104. Zakona o zdravstvenom osiguranju, izradio Prijedlog Financijskog plana fonda solidarnosti Federacije Bosne i Hercegovine za 2016. godinu (u daljem tekstu: Financijski plan federalnog fonda solidarnosti).

Financijski plan federalnog fonda solidarnosti za 2016. godinu utvrđen je na temelju:

- Odluke o utvrđivanju prioriternih vertikalnih programa zdravstvene zaštite od interesa za Federaciju Bosne i Hercegovine i prioriternih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine ("Službene novine Federacije BiH" broj: 08/05, 11/07, 44/07, 97a/07, 33/08 i 52/08), u daljem tekstu: Odluka o prioriternim programima,
- Odluke o utvrđivanju Osnovnog paketa zdravstvenih prava („Službene novine Federacije BiH" broj 21/09);
- Odluke o kriterijima i načinu korištenja sredstava fonda solidarnosti Federacije Bosne i Hercegovine ("Službene novine Federacije BiH" br.22/02 i 11/05);
- Instrukcija za proračunske korisnike o početnim gornjim granicama rashoda i Smjernica za izradu zahtjeva proračunskih korisnika Proračuna Vlade Federacije BiH za period 2016-2018. godina izdanih od strane Federalnog ministarstva financija;
- Budžetskog zahtjeva za financiranje federalnog fonda solidarnosti za 2016. godinu sa projekcijom za period 2017-2018. godina;
- Pravilnika o uvjetima i postupku upućivanja osiguranih lica na liječenje u inozemstvo („Službene novine Federacije BiH", br.93/13);
- Program zdravstvene zaštite koji se financira sredstvima fonda solidarnosti Federacije BiH za period 01.01.-31.12.2016. godine;
- Izvještaja o izvršenju financijskog plana Zavoda zdravstvenog osiguranja i reosiguranja Federacije BiH za period I-VII 2015. godine;

Financijskim planom federalnog fonda solidarnosti za 2016. godinu, planiraju se prihodi po izvorima sredstava i rashodi po namjenama, odnosno pojedinačno po vrstama programa i zdravstvenih usluga koje se financiraju sredstvima federalnog fonda solidarnosti.



PLAN PRIHODA I RASHODA FEDERALNOG FONDA SOLIDARNOSTI U 2016. GODINI

1. Prihodi

Prihodi federalnog fonda solidarnosti za 2016. godinu planiraju se ukupnom iznosu od 140.441.000 KM, i to:

- od doprinosa za obavezno zdravstveno osiguranje;
- iz sredstava Proračuna Federacije Bosne i Hercegovine;
- od kamata na sredstva Federalnog zavoda osiguranja i reosiguranja, deponirana na računima kod banaka;

Prihodi od doprinosa za zdravstveno osiguranje planiraju se ukupnom iznosu od 112.435.000 KM, od čega prihodi od doprinosa za obvezatno zdravstveno osiguranje u Federaciji BiH u iznosu od 110.435.000 KM, a prihodi od doprinosa od ino osiguranika u iznosu od 2.000.000 KM. Prihodi od doprinosa čine 80% ukupnih prihoda federalnog fonda solidarnosti.

Prihodi od doprinosa za federalni fond solidarnosti ostvaruju se iz ukupnih prihoda od doprinosa za obvezatno zdravstveno osiguranje u Federaciji BiH, po stopi koju za svaku godinu utvrđuje Vlada FBiH.

Stopa doprinosa za federalni fond solidarnosti u 2015. godini iznosila je 10,2%.

Do izrade ovog financijskog plana nije donesena Odluka o visini stope doprinosa za federalni fond solidarnosti, te je procjena prihoda od doprinosa za 2016. godinu rađena na temelju važeće stope od 10,2% kao i podataka o ostvarenju ovih prihoda u periodu I-VIII 2015. godine i makroekonomskih pokazatelja za 2016. godinu.

Prihodi iz Proračuna Federacije BiH u 2016. godini planiraju se u ukupnom iznosu od 28.000.000 KM, od čega za:

- programe federalnog fonda solidarnosti u iznosu od 26.000.000 KM,
- financiranje liječenja povratnika iz Federacije BiH u R Srpsku u iznosu od 2.000.000 KM.

Prihodi koji se planiraju iz Proračuna FBiH za 2016. godinu su usklađeni sa Proračunskim instrukcijama za 2016. godinu, sa projekcijama za 2017. i 2018. godinu, kojim je utvrđena gornja granica rashoda odnosno izdvajanja iz Proračuna za federalni fond solidarnosti na razini 2015. godine, iako su ovi prihodi znatno manji od iznosa zakonske obaveze.

Proračunskim zahtjevom za 2016. godinu planirana su i dodatna sredstva iz Proračuna FBiH za pokriće dijela gubitka federalnog fonda solidarnosti iz 2011. i 2013. godine u ukupnom iznosu od 7.617.753 KM, a suglasno zaključcima Vlade FBiH, i to:

- Zaključku Vlade FBiH, br.483/2014 od 20.03.2014. godine i aktu Federalnog ministarstva zdravstva, br.07-14-7031/14/2014 od 27.10.2014. godine, za



pokriće dijela gubitka federalnog fonda solidarnosti iz 2011. godine u iznosu od 3.933.035 KM,

- Zaključku Vlade FBiH V. br.2080/2014 od 20.11.2014. godine, za pokriće dijela gubitka federalnog fonda solidarnosti iz 2013. godine u iznosu od 3.684.718 KM.

Federalno ministarstvo zdravstva je dostavilo mišljenje na proračunski zahtjev svojim aktom, br.07-14-5989/15 od 02.10.2015. godine u kojem izvješćuju da je proračunskim zahtjevom Federalnog ministarstva zdravstva za izradu Proračuna FBiH za 2016. godinu planirano za federalni fond solidarnosti 26.000.000 KM i 2.000.000 KM namjenskog transfera za sufinansiranje troškova liječenja povratnika, te 3.933.035 KM za pokriće dijela gubitka federalnog fonda solidarnosti iz 2011. godine.

Iz gore navedenog akta Federalnog ministarstva zdravstva evidentno je da pokriće dijela gubitka federalnog fonda solidarnosti iz 2013. godine u iznosu od 3.684.718 KM koje je ovaj zavod planirao svojim Proračunskim zahtjevom za 2016. godinu, nije odobreno.

Prihodi od kamata na sredstva na transakcijskim računima kod banaka planiraju se u 2016. godini u iznosu od 6.000 KM.

Pregled planiranih prihoda u 2015. godini, ostvarenih za period I-VII 2015. godine i planiranih prihoda za 2016. godinu prikazan je u Tablici 1. koja slijedi.

Tablica 1

r.b.	PRIHODI	Plan 2015.	Izvršenje I-VII 2015.	Plan 2016.	Index
1	2	3	4	5	6 (5/3)
	PRIHODI				
1.	DOPRINOS ZA OBAVEZNO ZDRAVSTVENO OSIGURANJE	113.300.000	65.080.377	112.435.000	99
2.	PRIHODI IZ PRORAČUNA FBiH	28.000.000	0	28.000.000	100
2.1.	Transfer Proračuna za federalni fond solidarnosti	26.000.000	0	26.000.000	100
2.2.	Transfer iz Proračuna FBiH za liječenje povratnika u RS	2.000.000	0	2.000.000	100
3.	Prihodi od kamata	20.000	3.270	6.000	30
4.	Prihodi od donacija i finansijskog rabata		1.534.994		
I	UKUPNO PRIHODI	141.320.000	66.618.641	140.441.000	99
	Sredstva iz Proračuna FBiH za pokriće dijela gubitka iz 2011.g.	4.000.000		3.933.035	98
	UKUPNO PRIHODI I POKRIĆE GUBITKA	145.320.000	66.618.641	144.374.035	99



2. Rashodi

Rashodi federalnog fonda solidarnosti planiraju se u skladu sa Programom zdravstvene zaštite koji se financira sredstvima federalnog fonda solidarnosti za 2016. godinu.

Programom zdravstvene zaštite koji se financira sredstvima federalnog fonda solidarnosti za 2016. godinu definirani su pojedinačni programi koji obuhvaćaju:

1. zdravstvene usluge koje će se pružati osiguranim licima iz Federacije BiH u zdravstvenim ustanovama u Federaciji BiH (u daljem tekstu: zdravstvene usluge);
2. bolničko liječenje povratnika iz Federacije BiH u općine u RS (u daljem tekstu: liječenje povratnika);
3. oboljenja i stanja koja će se liječiti u zdravstvenim ustanovama u inozemstvu (u daljem tekstu: liječenje u inozemstvu);
4. lijekove utvrđene Listom lijekova federalnog fonda solidarnosti i medicinska sredstva koji se koriste u pružanju zdravstvenih usluga (u daljem tekstu: lijekovi i medicinska sredstva).

Za provođenje programa za 2016. godinu planiraju se rashodi u ukupnim iznosu od 140.441.000 KM, od čega:

- za zdravstvene usluge u iznosu od 54.816.000 KM,
- za liječenje povratnika u iznosu od 2.000.000 KM,
- za liječenje u inozemstvu u iznosu od 10.040.000 KM,
- za lijekove i medicinska sredstva, u iznosu od 73.296.000 KM,
- ostali rashodi federalnog fonda solidarnosti, u iznosu od 289.000 KM.

Pregled planiranih rashoda u 2016. godini, planiranih u 2015. godini, te ostvarenih u periodu I-VII 2015. godine prikazan je u Tablici 2 koja slijedi.



Tablica 2

r.b.	RASHODI	Plan 2015.	Izvršenje I-VII 2015.	Plan 2016.	Index 5/3
1	2	3	4	5	6
I	USLUGE	52.852.000	29.063.031	54.816.000	104
1.	Usluge kronične i akutne dijalize	7.700.000	4.412.066	7.700.000	100
2.	Prijevoz na hemodijalizu	1.400.000	844.710	1.500.000	107
3.	Usluge radioterapija kod novotvorina	7.300.000	4.195.248	7.500.000	103
4.	Usluge iz oblasti nuklearne medicine	315.000	116.339	300.000	95
5.	Usluge PET/CT	63.000	4.688	60.000	95
6.	Usluge novorođenačkog skrininga na kongenitalni hipotireoidizam, fenilketonuriju i adrenalnu hiperplasiu	347.000	132.606	330.000	95
7.	Usluge dobrovoljnog i anonimnog savjetovanja i testiranja na HIV/AIDS	153.000	76.724	152.000	99
8.	Usluge ugradnje kohlearnog implantata kod djece	265.000	18.588	260.000	98
9.	Usluge dijagnostičkih pretraga na hepatitis C i težih oblika hepatitisa B	230.000	115.385	220.000	96
10.	Usluge humane reprodukcije lica sa invaliditetom	110.000	39.200	100.000	91
11.	Usluge iz oblasti kardiologije i kardiokirurgije	24.800.000	14.205.447	25.500.000	103
12.	Usluge iz oblasti neurokirurgije	3.270.000	1.569.674	3.500.000	107
13.	Usluge iz oblasti ortopedije i traumatologije	660.000	203.415	660.000	100
14.	Usluge iz oblasti torakokirurgije	420.000	208.185	450.000	107
15.	Usluge iz oblasti transplantologije	3.640.000	1.658.213	3.640.000	100
15.1.	Dijagnostičke i laboratorijske pretrage u svrhu upućivanja na Listu čekanja za transplantaciju bubrega	290.000	280.523	430.000	148
15.2.	Priprema za transplantaciju bubrega sa živog davaoca i transplantacija bubrega sa živog davatelja	401.000	310.530	490.000	122
15.3.	Transplantacija jetre sa živog davatelja	74.000	0	74.000	100
15.4.	Transplantacija organa sa kadavera (utvrđivanje moždane smrti, održavanje kadaveričnog donora, eksplantacija organa, transplantacija bubrega, jetre i rožnjače)	814.000	293.674	841.000	103
15.5.	Tipizacija tkiva za transplantaciju matičnih ćelija, kriokonzervacija matičnih ćelija i transplantacija matičnih ćelija hematopoeze (autologna transplantacija)	1.892.000	559.359	1.469.000	78
15.6.	Alogena transplantacija koštane srži	169.000	214.127	336.000	199
16.	Usluge iz oblasti vaskularne kirurgije i invazivno-interventnih procedura na krvnim sudovima	2.070.000	1.224.843	2.833.000	137
17.	Usluge iz oblasti urologije	109.000	37.700	111.000	102
II	BOLNIČKO LIJEČENJE POVRATNIKA IZ FBIH U RS	2.000.000	470.526	2.000.000	100
III	LIJEKOVI I MEDICINSKA SREDSTVA	70.465.315	44.081.672	73.296.000	104
2.1.	Lijekovi za dijalizu	5.800.000	3.238.403	5.700.000	98



r.b.	RASHODI	Plan 2015.	Izvršenje I-VII 2015.	Plan 2016.	Index 5/3
2.2.	Potrošni materijal za dijalizu	16.600.000	9.777.055	16.000.000	96
2.3.	Citostatici	35.000.000	22.134.863	37.646.000	108
2.4.	Antiretrovirusni lijekovi	280.000	200.275	300.000	107
2.5.	Lijekovi za profilaksu respiratornog sincijalnog virusa	850.000	635.499	850.000	100
2.6.	Aparati i trakice za kontrolu šećera u krvi	200.000	105.890	200.000	100
2.7.	Lijekovi za liječenje oboljelih od hemofilije i humani imunoglobulini	4.200.000	2.708.011	4.200.000	100
2.8.	Lijekovi za liječenje oboljelih od hepatitisa C i B	3.735.315	2.540.355	4.000.000	107
2.9.	Lijekovi za liječenje Multiple skleroze	1.200.000	732.971	1.200.000	100
3.0.	Imunosupresivni lijekovi	1.500.000	956.455	1.700.000	113
3.1.	Lijekovi za liječenje upalnih bolesti debelog crijeva (Chronove bolesti i ulceroznog kolitisa)	1.100.000	1.051.895	1.500.000	136
IV	LIJEČENJE U INOZEMSTVU	10.490.000	3.417.952	10.040.000	96
V	OSTALI RASHODI U FUNKCIJI PROVOĐENJA PROGRAMA SOLIDARNOSTI	289.000	269.627	289.000	100
	UKUPNO RASHODI (I+II+III+IV+V)	136.096.315	77.302.808	140.441.000	103
	FINANCIJSKI REZULTAT	0	-12.007.008	0	
	PROCJENA VRIJEDNOSTI ZALIHA LIJEKOVA I POTROŠNOG MEDICINSKOG MATERIJALA NA DAN 31.12.	7.500.000		8.000.000	107

U nastavku se daju obrazloženja planiranih rashoda za realizaciju programa koji će se financirati sredstvima federalnog fonda solidarnosti u 2016. godini.



2.1. ZDRAVSTVENE USLUGE

Sredstvima federalnog fonda solidarnosti će se u 2016. godini financirati pružanje zdravstvenih usluga definiranih Odlukom o utvrđivanju osnovnog paketa zdravstvenih prava i Odlukom o prioritetnim vertikalnim programima, a u skladu sa Programom zdravstvene zaštite za 2016. godinu.

Pružanje zdravstvenih usluga ugovorit će se sa zdravstvenim ustanovama u Federaciji BiH koje su verificirane od strane Federalnog ministarstva zdravstva.

Planom opsega usluga za 2016. godinu utvrđen je sadržaj i opseg usluga koji će se ugovoriti sa svakom zdravstvenom ustanovom.

Zdravstvene usluge će se plaćati po cijenama utvrđenim Cjenikom zdravstvenih usluga koje se financiraju sredstvima federalnog fonda solidarnosti. Za zdravstvene usluge za koje se koriste implantati, pored cijene posebno će se priznavati i plaćati troškovi implantata na način i u iznosima koji su utvrđeni Cjenikom zdravstvenih usluga u skladu sa odlukama Upravnog vijeća Federalnog zavoda osiguranja i reosiguranja. Iznimno, za implantate i druge materijale koji se koriste za pružanje zdravstvenih usluga iz federalnog fonda solidarnosti, a koje zdravstvena ustanova osigura iz donacija, sredstvima federalnog fonda solidarnosti će se financirati trošak PDV-a na donirane implantate i druge materijale i to za količinu potrebnu za pružanje usluga u opsegu koji se financira sredstvima federalnog fonda solidarnosti.

2.1.1. Usluge kronične i akutne hemodijalize

Rashodi za pružanje usluga kronične i akutne hemodijalize u 2016. godini se planiraju u ukupnom iznosu od 7.700.000 KM.

Rashodi su planirani na temelju procjena broja dijaliziranih pacijenata u 2016. godini. U rashodima planiranih za pružanje usluga dijalize uključeni su troškovi rada medicinskog tima i troškovi toplog obroka za pacijente tokom dijaliznog tretmana.

2.1.2. Prijevoz na hemodijalizu

Za prijevoz pacijenata na hemodijalizu sredstvima federalnog fonda solidarnosti u 2016. godini će se sufinancirati troškovi po cijenama utvrđenim Cjenikom zdravstvenih usluga koje se financiraju sredstvima federalnog fonda solidarnosti, a koje su utvrđene prema broju pređenih kilometara.

Ukupni rashodi za prijevoz pacijenata na dijalizu u 2016. godini se planiraju u iznosu od 1.500.000 KM.



Prijevoz pacijenata na dijalizu vršit će domovi zdravlja i druge zdravstvene ustanove ovlaštene za obavljanje usluga prijevoza pacijenata na dijalizu.

Planirani troškovi za prijevoz pacijenata na dijalizu ne pokrivaju stvarne troškove koje iskazuju zdravstvene ustanove.

Međutim, zbog ograničenih sredstava, te činjenice da prijevoz na dijalizu ne bi trebao biti u nadležnosti federalnog fonda solidarnosti, Programom zdravstvene zaštite koji se financira sredstvima federalnog fonda solidarnosti je utvrđeno da se ovi troškovi samo sufinansiraju, a dio troškova bi trebalo financirati dijelom sredstvima kantonalnih zavoda zdravstvenog osiguranja, a dijelom sredstvima osnivača, kada je u pitanju nabava sanitetskih vozila za prijevoz bolesnika.

2.1.3. Usluge radioterapije kod malignih oboljenja

Rashodi za pružanje usluga radioterapije planiraju se za 2016. godinu u iznosu od 7.500.000 KM.

Usluge radioterapije će se plaćati po cijenama utvrđenim po lokalizacijama (organima) zračenja. Cijene usluga radioterapije su utvrđene na temelju prosječnih troškova koji uključuju troškove pripreme za zračenje, terapiju zračenjem i kontrole tokom zračenja.

Pored ovih troškova, za pacijente kojima se usluge radioterapije pružaju hospitalno, financirat će se i troškovi ležanja u bolnici po cijeni BO dana iz Tarife zdravstvenih usluga utvrđenoj za kroničnu hospitalizaciju na odjelu onkologije i to u prosjeku od 30 dana ležanja.

Usluge radioterapije u 2016. godini će se pružati svim oboljelim od malignih oboljenja za koja se indicira terapija zračenjem. Radioterapijski tretman se provodi hospitalno ili ambulantno u ovisnosti od stanja bolesnika i blizine mjesta boravka bolesnika. Hospitalni tretman se određuje bolesnicima iz udaljenih područja u Federaciji BiH i bolesnicima sa poodmaklim stadijem maligniteta.

Broj usluga radioterapije i broj BO dana planirani su Programom zdravstvene zaštite i Planom opsega usluga za 2016. godinu po vrsti malignih oboljenja i po zdravstvenim ustanovama.

2.1.4. Usluge iz oblasti nuklearne medicine

Iz oblasti nuklearne medicine sredstvima federalnog fonda solidarnosti financirat će se usluge visokodozne terapije radioaktivnim jodom J-131.

Sredstva za pružanje ovih usluga u 2016. godini planiraju se u iznosu od 300.000 KM.

2.1.5. Usluge PET/CT

Sredstvima federalnog fonda solidarnosti za 2016. godinu će se financirati usluge PET/CT pretraga za djecu do 18 godina. Usluge će se plaćati po utvrđenim



jediničnim cijenama, a za 2016. godinu planirana su sredstva u ukupnom iznosu od 60.000 KM.

2.1.6. Usluge novorođenačkog skrininga na kongenitalni hipotireoidizam, fenilketonuriju i adrenalnu hiperplasiu

Program novorođenačkog skrininga na kongenitalni hipotireoidizam, fenilketonuriju i adrenalnu hiperplasiu odnosi se na svu novorođenu djecu u Federaciji BiH u 2016. godini.

U okviru ovog programa sredstvima federalnog fonda solidarnosti financirat će se pružanje slijedećih usluga:

- skrining na kongenitalni hipotireoidizam;
- skrining na fenilketonuriju;
- skrining na adrenalnu hiperplasiu;
- dijagnosticiranja i liječenja svih otkrivenih slučajeva hipotireoze i fenilketonurije tokom testiranja.

Usluge testiranja na hipotireoidizam, fenilketonuriju i adrenalnu hiperplasiu plaćat će se po cijenama utvrđenim po jednom testu, a usluge dijagnosticiranja i liječenje otkrivenih slučajeva sa hipotireozom i fenilketonurijom po jediničnim cijenama utvrđenim za svaku pojedinačnu dijagnostičku uslugu, BO dane tokom ležanja u bolnici, kao i troškovi specijalne ishrane djece oboljele od fenilketonurije, s tim da je utvrđen maksimalni iznos troškova dijagnosticiranja i liječenja djece od hipotireoze i fenilketonurije po jednom slučaju/djetetu godišnje koji se financira sredstvima federalnog fonda solidarnosti.

Za financiranje ovog programa u 2016. godini planirana su sredstva u iznosu 330.000 KM.

2.1.7. Usluge dobrovoljnog i anonimnog savjetovanja i testiranja na HIV/AIDS

Ovaj program uključuje financiranje dobrovoljnog, anonimnog i besplatnog testiranja i savjetovanja za sva lica iz grupe rizičnih slučajeva koji su definirani dokumentom "BH konsenzus o dijagnostičko-terapeutskim smjernicama za HIV/AIDS", koja se prijave dobrovoljno za uključivanje u postupak testiranja i savjetovanja.

Za financiranje ovog programa u 2016. godini planirana su sredstva u iznosu od 152.000 KM.

Planiranim sredstvima financirat će se:

- testiranje na HIV (prvi test- Elisa, Combo), prema utvrđenim cijenama po jednom testu;
- savjetovanje prije i nakon testiranja, prema utvrđenim cijenama po pacijentu;
- dijagnosticiranje za sve slučajeve kojima je nakon prvog testiranja, nalaz testa na HIV pozitivan, po cijenama utvrđenim pojedinačno za dijagnostičke postupke: Western -Blot, PCR- kvantitativni, PCR kvalitativni i genotipizacija;
- testiranje na hepatitis C licima koja su u programu dobrovoljnog, anonimnog i besplatnog savjetovanja i testiranja na HIV/AIDS, prema utvrđenim cijenama po jednoj usluzi.



Sredstvima federalnog fonda solidarnosti neće se financirati ostali bolnički troškovi liječenja oboljelih od HIV/AIDS-a.

2.1.8. Usluge ugradnje kohlearnog implantata kod djece

Za ugradnju kohlearnog implantata (vještačke pužnice) kod djece u 2016. godini planiraju se rashodi u iznosu od 260.000 KM.

Sredstvima federalnog fonda solidarnosti vršiće se sufinansiranje ugradnje kohlearnog implantata, odnosno zamjene procesora na kohlearnom implantatu i to u visini od 50% cijene kohlearnog implantata odnosno procesora.

Troškovi ugradnje kohlearnog implantata uključuju troškove nabavke implantata, te troškove usluge ugradnje u zdravstvenoj ustanovi. Razliku od preostalih 50% troškova financiraju kantonalni/županijski zavodi zdravstvenog osiguranja.

2.1.9. Usluge dijagnostičkih pretraga na hepatitisu C i težih oblika hepatitisa B

U 2016. godini planiraju se sredstva za financiranje dijagnostičkih pretraga na Hepatitis C i teških oblika Hepatitisa B u ukupnom iznosu od 220.000 KM, i to

- dijagnostičke pretrage na hepatitis C (biopsija jetre sa histološkom interpretacijom, HCV RNA kvantitativni i kvalitativni i genotipizacija;
- dijagnostičke pretrage na hepatitis B (biopsija jetre sa histološkom interpretacijom i HVB DNA kvantitativni).

2.1.10. Usluge humane reprodukcija lica sa invaliditetom

Za lica sa invaliditetom u okviru ovog programa u 2016. godini financirat će se troškovi zdravstvenih usluga koji se odnose na Program humane reprodukcije, a troškovi dijagnostičkih i laboratorijskih usluga koje prethode zdravstvenim uslugama iz programa humane reprodukcije će se financirati na teret sredstava kantonalnih zavoda zdravstvenog osiguranja.

Troškovi iz programa humane reprodukcije će se plaćati po jediničnim cijenama, a najviše do iznosa ukupnih troškova utvrđenih po jednom slučaju suglasno Cjeniku zdravstvenih usluga koje se financiraju sredstvima federalnog fonda solidarnosti.

Iznimno, licima sa invaliditetom kojima su usluge iz programa humane reprodukcije pružene u zdravstvenim ustanovama sa kojima Federalni zavod osiguranja i reosiguranja nema zaključen ugovor o pružanju ovih usluga, izvršit će se refundacija troškova u skladu sa Odlukom Upravnog Federalnog zavoda osiguranja i reosiguranja broj:02/III-01-1-963/11.

Za provođenje ovog programa u 2016. godini, planiraju se sredstva u iznosu od 100.000 KM.



2.1.11. Usluge iz oblasti kardiologije i kardiokirurgije

Za zdravstvene usluge iz programa kardiologije i kardiokirurgije koje se pružaju u zdravstvenim ustanovama u Federaciji BiH, za 2016. godinu, planiraju se rashodi u ukupnom iznosu od 25.500.000 KM.

Usluge će se financirati po cijenama utvrđenim po jednoj usluzi, suglasno Cjeniku zdravstvenih usluga koje se financiraju sredstvima federalnog fonda solidarnosti.

Za usluge invazivne i interventne kardiologije, pored utvrđene cijene za uslugu, posebno će se priznavati troškovi za ugrađene implantate – stentove. Za određena stanja, prema medicinskim indikacijama (proksimalne lezije i lezije preko 2 cm, restenoze i dijabetes), a na temelju konzilijarnog mišljenja ljekara, priznat će se trošak ugradnje lijekom obloženog koronarnog stenta. Broj lijekom obloženih koronarnih stentova se ograničava na 20% ukupnog broja ugrađenih stentova.

Trošak za ugrađene stentove će se priznati uz dokaz da je izvršena nabava i ugradnja stenta, a koji se dostavlja uz račun o izvršenoj usluzi. Trošak za ugrađene stentove će se priznati do iznosa koji je, po odluci Upravnog vijeća Zavoda, utvrđen kao maksimalni trošak, bez obzira po kojoj cijeni zdravstvena ustanova vrši nabavku stentova.

Ukupan opseg zdravstvenih usluga iz programa kardiologije i kardiokirurgije i pojedinačno za svaku zdravstvenu ustanovu za 2016. godinu, definiran je Programom zdravstvene zaštite koji se financira sredstvima federalnog fonda solidarnosti i Planom opsega usluga za 2016. godinu.

Ukoliko se broj indiciranih slučajeva za usluge iz ovog programa poveća u odnosu na planirani opseg usluga i sredstva utvrđena Financijskim planom, zdravstvene ustanove koje će sudjelovati u provođenju ovog programa obvezne su formirati liste čekanja i usluge pružati prema redoslijedu prioriteta i stupnju hitnosti.

Stručna služba Federalnog zavoda osiguranja i reosiguranja će u 2016. godini redovito pratiti izvršenje planiranog sadržaja i opsega usluga, evidencije pacijenata na Listi čekanja, redoslijed prioriteta u pružanju usluga pacijentima sa Liste čekanja, pružanje usluga u hitnim slučajevima, te izvršenje programa usmjeravati u okviru planiranog opsega usluga, odnosno planiranih rashoda za izvršenje ovog programa.

Sa 31.07.2015. godine na Listi čekanja evidentirano je ukupno 1.140 pacijenata od kojih za pružanje usluga iz oblasti invazivne i interventne kardiologije 560 pacijenata, a za operativne kardiokirurške zahvate 580 pacijenata.



2.1.12. Usluge iz oblasti neurokirurgije

Rashodi za pružanje usluga iz oblasti neurokirurgije u zdravstvenim ustanovama u Federaciji BiH tokom 2016. godine, planiraju se u iznosu od 3.500.000 KM.

Operativni neurokirurški zahvati u zdravstvenim ustanovama plaćat će se po cijenama prema važećem Cjeniku zdravstvenih usluga koje se financiraju sredstvima federalnog fonda solidarnosti.

Za sve operativne zahvate kod kojih se vrši ugradnja implantata, na utvrđenu cijenu posebno će se priznavati i plaćati troškovi ugrađenih implantata, u skladu sa Cjenikom zdravstvenih usluga koje se financiraju sredstvima federalnog fonda solidarnosti, a kojim je utvrđen maksimalan iznos troška koji se priznaje za implantate.

Ukupan opseg zdravstvenih usluga iz programa neurokirurgije i pojedinačno za svaku zdravstvenu ustanovu u Federaciji BiH za 2016. godinu, definiran je Programom zdravstvene zaštite koji se financira sredstvima federalnog fonda solidarnosti i Planom opsega usluga za 2016. godinu.

Ukoliko se broj indiciranih slučajeva za operativne neurokirurške zahvate u toku 2016. godine poveća u odnosu na planirani opseg usluga i sredstva utvrđena Financijskim planom, zdravstvene ustanove koje će sudjelovati u provođenju ovog programa obvezne su formirati liste čekanja i usluge pružati prema redoslijedu prioriteta i stupnju hitnosti.

2.1.13. Usluge iz oblasti ortopedije i traumatologije

Za usluge iz oblasti ortopedije i traumatologije u 2016. godini, planiraju se sredstva u iznosu od 660.000 KM.

Planiranim sredstvima financirat će se operativni zahvati deformiteta kralježnice kod djece, multipli prelomi kralježnice i multipli prelomi zdjelice, po cijenama prema važećem Cjeniku zdravstvenih usluga koje se financiraju sredstvima federalnog fonda solidarnosti.

Za operativne zahvate deformiteta kralježnice kod djece posebno će se priznavati i plaćati troškovi ugrađenih implantata u skladu sa Cjenikom zdravstvenih usluga koje se financiraju sredstvima federalnog fonda solidarnosti, a kojim je utvrđen maksimalan iznos troška koji se priznaje za implantate.

Ukupan opseg zdravstvenih usluga iz ortopedije i traumatologije i pojedinačno za svaku zdravstvenu ustanovu u Federaciji BiH za 2016. godinu, definiran je Programom zdravstvene zaštite koji se financira sredstvima federalnog fonda solidarnosti i Planom opsega usluga za 2016. godinu.

Ukoliko se broj indiciranih slučajeva za operativne zahvate ortopedije i traumatologije u toku 2016. godine poveća u odnosu na planirani opseg i sredstva utvrđena



Financijskim planom, zdravstvene ustanove koje će sudjelovati u provođenju ovog programa obvezne su formirati liste čekanja i usluge pružati prema redoslijedu prioriteta i stupnju hitnosti.

2.1.14. Usluge iz oblasti torakokirurgije

Za usluge torakokirurgije u 2016. godini planiraju se sredstva u iznosu od 450.000 KM.

U okviru ovog programa planiranim sredstvima u 2016. godini financirat će se usluge operativnih zahvata karcinoma bronha i karcinoma jednjaka, po cijenama prema važećem Cjeniku zdravstvenih usluga koje se financiraju sredstvima federalnog fonda solidarnosti.

Ukupan opseg zdravstvenih usluga iz torakokirurgije i pojedinačno za svaku zdravstvenu ustanovu u Federaciji BiH za 2016. godinu, definiran je Programom zdravstvene zaštite koji se financira sredstvima federalnog fonda solidarnosti i Planom opsega usluga za 2016. godinu.

2.1.15. Usluge iz oblasti transplantologije

Za zdravstvene usluge iz oblasti transplantologije u 2016. godini planiraju se rashodi u ukupnom iznosu od 3.640.000 KM.

U okviru programa transplantologije sredstvima federalnog fonda solidarnosti u 2016. godini financirat će se slijedeće usluge:

- dijagnostičke i laboratorijske pretrage za uvrštavanje na Listu čekanja za transplantaciju bubrega, dijagnostičke i laboratorijske pretrage u svrhu održavanja na Listi čekanja i pretrage u slučaju kliničkih indikacija za transplantaciju bubrega (sa živog davatelja ili kadavera), u skladu sa Uputom Federalnog ministarstva zdravstva o kriterijima za stavljanje na Listu čekanja za transplantaciju bubrega, vođenja federalne Liste čekanja bubrežnih bolesnika, procedurama i pravilima dodjele organa-bubrega;
- priprema za transplantaciju bubrega sa živog davatelja i transplantacija bubrega sa živog davatelja;
- transplantacija jetre sa živog davatelja;
- transplantacija organa sa kadavera:
 - utvrđivanje moždane smrti
 - održavanje kadaveričnog donora
 - eksplantacija organa
 - transplantacija bubrega sa kadavera
 - transplantacija jetre sa kadavera
 - transplantacija rožnice.
- tipizacija tkiva za transplantaciju matičnih ćelija, kriokonzervacija matičnih ćelija i transplantacija matičnih ćelija hematopoeze (autologna transplantacija);
- alogena transplantacija koštane srži.

Usluge transplantologije financirat će se po cijenama utvrđenim Cjenikom zdravstvenih usluga koje se financiraju sredstvima federalnog fonda solidarnosti, a usluge dijagnostičkih i laboratorijskih pretraga za dijalizirane bolesnike koji se



upućuju na Listu čekanja za transplantacija bubrega po jediničnim cijenama utvrđenim Tarifom zdravstvenih usluga u Federaciji BiH.

Za određene usluge iz programa transplantologije koje se ne mogu sa uspjehom liječiti u zdravstvenim ustanovama u Federaciji BiH, pacijenti će se upućivati na liječenje u zdravstvene ustanove u inozemstvo, a u skladu sa Pravilnikom o uvjetima i postupku upućivanja osiguranih lica na liječenje u inozemstvu.

2.1.16. Usluge iz oblasti vaskularne kirurgije i invazivno-interventnih procedura na krvnim sudovima

U 2016. godini financirat će se najsloženiji operativni zahvati iz oblasti vaskularne kirurgije (operacije krvnih žila glave i vrata, operacije aneurizme abdominalne aorte) i invazivno-interventnih dijagnostičko-terapijskih procedura na krvnim sudovima (procedure na cerebralnim krvnim sudovima, karotidama, te stentiranje i koilovanje aneurizmi).

Usluge iz oblasti vaskularne kirurgije i invazivno-interventnih dijagnostičko-terapijskih procedura na krvnim sudovima financirat će se po cijenama prema važećem Cjeniku zdravstvenih usluga koje se financiraju sredstvima federalnog fonda solidarnosti.

Za sve zdravstvene usluge iz ovog programa, kod kojih se vrši ugradnja implantata, na utvrđenu cijenu posebno će se priznavati i plaćati troškovi ugrađenih implantata, u skladu sa Cjenikom zdravstvenih usluga koje se financiraju sredstvima federalnog fonda solidarnosti.

Za usluge iz ovog programa u 2016. godini planiraju se rashodi u ukupnom iznosu od 2.833.000 KM, od čega se na usluge iz oblasti vaskularne kirurgije odnosi iznos od 1.629.000 KM, a preostalih 1.204.000 KM na invazivno-interventne dijagnostičko-terapijske procedure na krvnim sudovima.

Ukupan opseg zdravstvenih usluga iz oblasti vaskularne kirurgije i invazivno-interventnih dijagnostičko-terapijskih procedura pojedinačno za svaku zdravstvenu ustanovu u Federaciji BiH za 2016. godinu, definiran je Programom zdravstvene zaštite koji se financira sredstvima federalnog fonda solidarnosti i Planom opsega usluga za 2016. godinu.

2.1.17. Usluge iz oblasti urologije

U 2016. godini financirat će se pružanje najsloženijih usluga iz oblasti urologije i to: implantacija vještačkog sfinktera uretre, AMS-800 i cistektomija sa supravezikalnom derivacijom (Bricker, Mainz-Pouch, Hautman).

Usluge iz oblasti urologije plaćat će se po cijenama prema važećem Cjeniku zdravstvenih usluga koje se financiraju sredstvima federalnog fonda solidarnosti. Za uslugu implantacije vještačkog sfinktera uretre, pored cijene usluge posebno će se priznavati i plaćati troškovi implantata po stvarnim cijenama po kojima ih zdravstvena ustanova nabavlja, uz dokaz da je implantat nabavljen i ugrađen pacijentu.

Za navedene usluge u 2016. godini planiraju se rashodi u iznosu od 111.000 KM.



3. BOLNIČKO LIJEČENJE POV RATNIKA IZ FBIH U OPĆINE U RS

Bolničko liječenje povratnika iz Federacije BiH u općine u R Srpskoj u zdravstvenim ustanovama u Federaciji BiH planira se sredstva namjenskog transfera iz Proračuna Federacije BiH.

Za 2016. godinu se, za ovaj program, planiraju sredstva namjenskog transfera iz Proračuna Federacije BiH u iznosu od 2.000.000 KM, a kako je planirano Proračunskim zahtjevom za 2016. godinu.

Zdravstvene usluge će se plaćati zdravstvenim ustanovama u kojima se pacijenti-povratnici budu liječili suglasno Cjeniku zdravstvenih usluga koje se financiraju sredstvima federalnog fonda solidarnosti i Tarifami zdravstvenih usluga Federacije BiH. Upućivanje pacijenata na liječenje će se provoditi suglasno Uputi o načinu ostvarivanja bolničke zdravstvene zaštite u zdravstvenim ustanovama u Federaciji BiH povratnika iz Federacije BiH u općine R Srpske.

4. LIJEKOVI I MEDICINSKA SREDSTVA

U 2016. godini sredstvima federalnog fonda solidarnosti će se financirati nabava lijekova definiranih Listom lijekova Fonda solidarnosti FBIH i medicinskih sredstava: potrošnog materijala za dijalizirane bolesnike, te aparata i trakica za mjerenje šećera u krvi kod djece sa dijabetesom- inzuloovisnicima.

Nabavku lijekova, osim Antiretroviralnih lijekova za liječenje oboljelih od HIV/AIDS, će vršiti Federalni zavod osiguranja i reosiguranja na temelju Plana javnih nabavki koje se financiraju sredstvima federalnog fonda solidarnosti za 2016. godinu, a u skladu sa Zakonom o javnim nabavkama BiH.

Iznimno troškovi nabavke lijekova koji se nalaze na Listi lijekova Fonda solidarnosti FBIH, a koje je osigurano lice nabavilo iz vlastitih sredstava, refundirat će se ukoliko ih u određenom vremenskom periodu nije bilo na raspolaganju u zdravstvenoj ustanovi, zbog zastoja u isporuci iz opravdanih razloga ili zbog nestašice, odnosno poremećaja na tržištu pod uvjetima i na način propisom Odlukom Upravnog vijeća Federalnog zavoda osiguranja i reosiguranja, broj:02/I-01-1-1054-1/14, od 11.04.2014. godine.



4.1. Lijekovi za dijalizu

U 2016. godini se planiraju rashodi za nabavku lijekova koji se koriste u terapiji tokom dijaliznog tretmana, u iznosu od 5.700.000 KM, i to za lijekove u tretmanu dijalize utvrđene Odlukom o Listi lijekova fonda solidarnosti Federacije BiH („Službene novine Federacije BiH“, broj 89/13, 74/14, 91/14)".

Troškovi za ove lijekove planirani su na temelju procjene broja pacijenata, količine lijekova i cijena koje su ugovorene sa dobavljačima po provedenom tenderu u 2015. godini, a po kojem će se vršiti isporuka i u 2016. godini.

4.2. Potrošni materijal za dijalizu

Rashodi za nabavku potrošnog dijaliznog materijala u 2016. godini planiraju se iznosu od 16.000.000 KM.

Troškovi potrošnog dijaliznog materijala su planirani na temelju procjene broja pacijenata, potrebnih količina potrošnog materijala i cijena koje su ugovorene sa dobavljačima po provedenom tenderu u 2015. godini, a po kojem će se vršiti isporuka i u 2016. godini.

4.3. Citostatici

Sredstvima federalnog fonda solidarnosti u 2016. godini financirat će se nabava citostatika utvrđenih Odlukom o Listi lijekova fonda solidarnosti Federacije BiH („Službene novine Federacije BiH“, broj 89/13, 74/14 i 91/14)".

Nabavku citostatika će izvršiti Federalni zavod osiguranja i reosiguranja prema Planu javnih nabavki koje se financiraju sredstvima federalnog fonda solidarnosti za 2016. godinu, a u skladu sa Zakonom o javnim nabavkama BiH.

Za citostatike koji imaju najmanje tri generičke paralele, kao i manje vrijednosti ukupne potrošnje, nabava će se izvršiti po okvirnom sporazumu na period od tri godine.

Nabava citostatika sa Liste lijekova federalnog fonda solidarnosti će se vršiti za sve pacijente oboljele od malignih oboljenja kojima se indicira terapija citostaticima, suglasno doktrinarnom pristupu u liječenju.

Upotrebu citostatika sa posebnim režimom propisivanja odobrava ovlaštena Komisija Federalnog zavoda osiguranja i reosiguranja prema medicinskim indikacijama suglasno Uputi o načinu propisivanja, odnosno odobravanja primjene lijekova.



Pacijentima kojima se indicira terapija citostaticima sa posebnim režimom propisivanja omogućiće se terapije neposredno po izdavanju suglasnosti od strane nadležne komisije, a u slučajevima da broj pacijenata sa indikacijom za korištenje ovih lijekova premašuje planirane i ugovorene količine lijekove, odnosno visinu raspoloživih sredstava, pacijenti će se uputiti na Listu čekanja u skladu sa Uputom o uspostavi liste čekanja za lijekove sa Liste lijekova fonda solidarnosti Federacije BiH.

Za nabavku citostatika u 2016. godini planiraju se rashodi u ukupnom iznosu od 37.646.000 KM.

Troškovi za citostatike planirani su na temelju procjene broja pacijenata, količine lijekova i cijena koje će biti ugovorene sa dobavljačima po tenderu koji će se završiti do kraja 2015. godine, a po kojem će se vršiti isporuka u 2016. godini.

Iako su planirani rashodi za citostatike za 2016. godinu povećani u odnosu na planirane za 2015. godinu, kao i procjene da će cijene po kojima će se izvršiti nabava biti niže od cijena koje su ugovorene za 2015. godinu, procjenjuje se da se planiranim sredstvima neće moći osigurati terapija citostaticima sa posebnim režimom propisivanja svim pacijentima evidentiranim na listama čekanja.

4.4. Antiretrovirusni lijekovi

Za liječenje svih registriranih osoba oboljelih od HIV/AIDS-a, sredstvima federalnog fonda solidarnosti u 2016. godini financirat će se nabava antiretrovirusnih lijekova sa Liste lijekova fonda solidarnosti Federacije BiH, a nabavku lijekova će vršiti zdravstvene ustanove u kojima se liječe oboljeli od HIV/AIDS-a.

Za nabavku ovih lijekova planirani su rashodi u ukupnom iznosu od 300.000 KM.

4.5. Lijekovi za profilaksu respiratornog sincijalnog virusa (RSV)

U cilju zaštite prijevremeno rođene djece od respiratornog sincijalnog virusa u ciljanoj ugroženoj skupini djece mlađe od 24 mjeseca života, u 2016. godini sredstvima federalnog fonda solidarnosti će se financirati nabava lijeka palivizumab. Lijek će se primjenjivati prema utvrđenim indikacijama i to kod dojenčadi koja su na terapiji kontrole kongestivnog srčanog zatajenja, dojenčadi sa umjerenom do teškom plućnom hipertenzijom i dojenčadi sa cijanotičnim srčanim anomalijama.

Nabavku lijeka izvršit će Federalni zavod osiguranja i reosiguranja prema Planu javnih nabavki koje se financiraju sredstvima federalnog fonda solidarnosti za 2016. godinu, a po postupku propisanom Zakonom o javnim nabavkama Bosne i Hercegovine.

Rashodi za nabavku lijeka Palivizumab u 2016. godini planiraju se u iznosu od 850.000 KM.



4.6. Aparati i trakice za kontrolu šećera u krvi

U 2016. godini sredstvima federalnog fonda solidarnosti će se financirati nabava aparata i vrpca za mjerenje razine šećera u krvi za svu djecu u Federaciji BiH do 18 godina starosti, kod kojih je otkriven dijabetes i koja su inzulo-ovisnici.

Nabavku aparata i trakica za kontrolu šećera u krvi kod djece će izvršiti Federalni zavod osiguranja i reosiguranja po okvirnom sporazumu u količinama kojima se osiguravaju potrebe za tri godine, s tim što se za 2016. godinu planiraju rashodi u iznosu od 200.000 KM, tj. u visini 1/3 planirane nabavke po okvirnom sporazumu.

Podjela nabavljenih aparata će se izvršiti svakom djetetu inzulo-ovisniku nakon izvršene nabavke, sa rokom trajanja od tri godine, a podjela trakica će se vršiti jednom godišnje u količini godišnjih potreba.

4.7. Lijekovi za liječenje oboljelih od hemofilije i humani imunoglobulini

Za liječenje oboljelih od hemofilije, sredstvima federalnog fonda solidarnosti u 2016. godini financirat će se:

- nabava faktora koagulacije za sve oboljele od hemofilije;
- nabava humanog imunoglobulina za određen broj slučajeva prema utvrđenim indikacijama suglasno Uputi o korištenju humanog imunoglobulina za liječenje imunodeficitarnih stanja (broj:01/D-1988/09, od 09.10.2009. godine, 01/D-2120/09 od 29.10.2009.godine i 01/III-05-4-43-1/11 od 10.01.2011. godine).

Nabavku lijekova izvršit će Federalni zavod osiguranja i reosiguranja prema Planu javnih nabavki koje se financiraju sredstvima federalnog fonda solidarnosti za 2016. godinu, a u skladu sa Zakonom o javnim nabavkama.

Sredstva za nabavku faktora koagulacije i humanih imunoglobulina planiraju se u 2016. godini u iznosu od 4.200.000 KM.

4.8. Lijekovi za liječenje oboljelih od Hepatitisa C i B

Za liječenje oboljelih od Hepatitisa C i težih oblika Hepatitisa B sredstvima federalnog fonda solidarnosti u 2016. godini finansiraće se nabava lijekova utvrđenih Listom lijekova Fonda solidarnosti Federacije BiH.

Nabavku lijekova izvršit će Federalni zavod osiguranja i reosiguranja prema Planu javnih nabavki koje se financiraju sredstvima federalnog fonda solidarnosti za 2016.godinu, a u skladu sa Zakonom o javnim nabavkama.

U 2016. godini planiraju se sredstva za nabavku lijekova za liječenje oboljelih od Hepatitisa C i teških oblika Hepatitisa B u iznosu od 4.000.000 KM.

Rashodi za liječenje oboljelih od hepatitisa C i težih oblika hepatitisa B planirani su na bazi podataka o broju pacijenata kojima je suglasnost izdana u 2015. godini, a



kojima se liječenje nastavlja u 2016. godini, te očekivanog broja novih slučajeva u 2016. godini.

4.9. Lijekovi za liječenje multiple skleroze

U 2016. godini planiraju se sredstva za nabavku lijekova za liječenje oboljelih od multiple skleroze u iznosu od 1.200.000 KM.

Nabavku lijekova izvršit će Federalni zavod osiguranja i reosiguranja prema Planu javnih nabavki koje se financiraju sredstvima federalnog fonda solidarnosti za 2016.godinu, a u skladu sa Zakonom o javnim nabavkama.

Procjenjuje se da planirana sredstava za 2016. godinu neće biti dovoljna da se osigura terapija svim pacijentima sa indikacijom za liječenje lijekovima iz programa federalnog fonda solidarnosti.

U slučajevima da broj pacijenata sa indikacijom za korištenje ovih lijekova premašuje planirane i ugovorene količine lijekove, odnosno visinu raspoloživih sredstava, pacijenti će se uputiti na Listu čekanja u skladu sa Uputom o uspostavi liste čekanja za lijekove sa Liste lijekova fonda solidarnosti Federacije BiH.

4.10. Imunosupresivni lijekovi

Sredstvima federalnog fonda solidarnosti u 2016. godini financirat će se nabava imunosupresivnih lijekova koji se koriste nakon izvršene transplantacije organa utvrđenih Listom lijekova fonda solidarnosti Federacije BiH.

Nabavku imunosupresivnih lijekova izvršit će Federalni zavod osiguranja i reosiguranja prema Planu javnih nabavki koje se financiraju sredstvima federalnog fonda solidarnosti za 2016. godinu, a u skladu sa Zakonom o javnim nabavkama Bosne i Hercegovine.

Rashodi za nabavku imunosupresivnih lijekova za 2016. godinu se planiraju u iznosu od 1.700.000 KM, a na temelju procijenjenih količina za terapiju svim pacijentima sa s transplantiranim organima.

Iznimno, u opravdanim slučajevima sredstvima federalnog fonda solidarnosti će se refundirati troškovi točno definiranih količina specifičnih lijekova koji se koriste nakon transplantacije, a koji se ne nalaze na Listi lijekova Fonda solidarnosti Federacije BiH. Refundacije troškova će se izvršiti pod uvjetom i na način kako je propisano Odlukom Upravnog obora Federalnog zavoda osiguranja i reosiguranja, br. 02/III-01-1-1980-1/15 od 31.07.2015. godine.



4.11. Lijekovi za liječenje upalnih bolesti debelog crijeva (Chronove bolesti i ulceroznog kolitisa)

Sredstvima federalnog fonda solidarnosti u 2016. godini financirat će se nabava lijekova za liječenje Chronove bolesti i ulceroznog kolitisa utvrđenih Listom lijekova Fonda solidarnosti Federacije BiH

Nabavku lijekova će izvršiti Federalni zavod osiguranja i reosiguranja, suglasno Planu javnih nabavki koje se financiraju sredstvima federalnog fonda solidarnosti za 2016. godinu, a po postupku propisanom Zakonom o javnim nabavkama Bosne i Hercegovine.

U 2016. godini planirani su rashodi za nabavu lijekova u svrhu liječenja oboljelih od Chronove bolesti i ulceroznog kolitisa u iznosu od 1.500.000 KM.

U slučajevima da broj pacijenata sa indikacijom za korištenje ovih lijekova premašuje planirane i ugovorene količine lijekove, odnosno visinu raspoloživih sredstava, pacijenti će se uputiti na Listu čekanja u skladu sa Uputom o uspostavi liste čekanja za lijekove sa Liste lijekova fonda solidarnosti Federacije BiH.

5. LIJEČENJE U INOZEMSTVU

Sredstvima federalnog fonda solidarnosti u 2016. godini finansiraće se troškovi liječenja u zdravstvenim ustanovama u inozemstvu pacijentima sa oboljenjima i stanjima, odnosno povredama, koja se ne mogu uspješno liječiti u zdravstvenim ustanovama u Federaciji BiH, a koja su definirana Pravilnikom o uvjetima i postupku upućivanja osiguranih lica na liječenje u inozemstvo.

Upućivanje pacijenata na liječenje u inozemstvo će se vršiti na temelju izdanih suglasnosti od strane nadležne komisije i to u zdravstvene ustanove u inozemstvu sa kojima Federalni zavod osiguranja i reosiguranja ima zaključene ugovore, odnosno u zdravstvene ustanove država sa kojima Bosna i Hercegovina ima zaključene međudržavne ugovore o socijalnom osiguranju koji predviđaju mogućnost upućivanja osiguranika jedne države na liječenje u drugu državu ugovornicu.

Oboljenja, odnosno, stanja i ozlijede koje se ne mogu sa uspjehom liječiti u zdravstvenim ustanovama na teritoriji Federacije BiH definirana su Pravilnikom o uvjetima i postupku upućivanja osiguranih lica na liječenje u inozemstvo i to:

- urođene srčane mane kod djece koje se mogu liječiti operativnim putem;
- oboljenja iz oblasti dječje onkologije;
- neurokirurška oboljenja djece i odraslih koja se mogu uspješno liječiti neurokirurškom operacijom gama nožem;
- embolizacija, stentiranje i koilovanje krvnih žila;
- tumori oka kod djece i odraslih;



- ekstenzivne opekline preko 60% površine;
- oboljenje jetre, bubrega, pankreasa, srca, rožnice kod djece i odraslih koja se mogu uspješno liječiti transplantacijom;
- oboljenja kod odraslih koja zahtjeva transplantaciju koštane srži;
- elektrofiziološka ispitivanja kompleksnih aritmija sa eventualnom radiofrekventnom ablacijom;
- oboljenja kod djece iznimno rijetkih patologija, odnosno oboljenja sa niskom incidencom (jedan na milijun stanovnika), ukoliko se radi o jedinom oboljenju, odnosno ukoliko bi liječenje u inozemstvu dovelo do potpunog izlječenja

Pravo na liječenje u inozemstvu se može ostvariti samo pod uvjetom da su ispunjeni svi propisani uvjeti iz navedenog Pravilnika.

Sredstva za liječenje u inozemstvu u 2016. godini planiraju se u ukupnom iznosu od 10.040.000 KM.

Sredstvima namijenjenim za liječenje u inozemstvu će se financirati i pružanje zdravstvenih usluga za liječenje oboljenja sadržanih u ovom programu u zdravstvenim ustanovama u Federaciji BiH u slučajevima kada se te usluge pružaju uz angažman stranih stručnjaka, suglasno članku 29. Pravilnika o uvjetima i postupku upućivanja osiguranih lica na liječenje u inozemstvo.

6. OSTALI RASHODI U FUNKCIJI PROVOĐENJA PROGRAMA SOLIDARNOSTI

Za ostale rashode u funkciji provođenja programa federalne solidarnosti, suglasno Odluci o kriterijima i načinu korištenja sredstava federalnog fonda solidarnosti, u 2016. godini planiraju se rashodi u ukupnom iznosu od 289.000 KM.

Ostali rashodi se odnose na izdatke za rad komisija u funkciji provođenja programa federalnog fonda solidarnosti, dio bankarskih usluga koje se odnose na troškove platnog prometa fonda solidarnosti, kao i troškovi javnog oglašavanja za provođenje postupaka javnih nabavki lijekova i medicinskih sredstava koji se financiraju sredstvima federalnog fonda solidarnosti.

7. POKRIĆE GUBITKA IZ 2011. I 2013. GODINE

Federalni zavod osiguranja i reosiguranja je svojim Proračunskim zahtjevom za 2016. godinu i ovim Financijskim planom planirao, pored sredstava iz Proračuna FBiH za financiranje programa federalnog fonda solidarnosti u 2016. godini, i dodatna sredstva iz Proračuna FBiH na ime pokriće dijela gubitka federalnog fonda solidarnosti iz 2011. godine u iznosu od 3.933.035 KM suglasno Zaključku Vlade FBiH, br. 483/14 od 20.03.2014. godine i aktu Federalnog ministarstva zdravstva, br. 07-14-7031 od 27.10.2014. godine.



Napominjemo da je Zaključkom Vlade FBiH br. 2080/2014 od 20.11.2014. godine utvrđeno da će se gubitak federalnog fonda solidarnosti iz 2013. godine u iznosu od 7.369.435 KM pokriti na teret sredstava Proračuna FBiH za 2015. i 2016. godinu. Međutim, ovim zaključkom Vlade FBiH nije precizirano koliki iznos gubitka iz 2013. godine će se pokriti u 2015. godini, a koliki u 2016. godini.

Zbog toga je Federalni zavod osiguranja i reosiguranja izradio Program i mjera aktivnosti za pokriće dijela gubitka iz 2011. i 2013. godine kojim je pokriće gubitka iz 2013. godine rasporedio u jednakim iznosima u 2015. i 2016. godini od 3.684.718 KM.

Međutim, Federalno ministarstvo zdravstva je svojim aktom, br.07-14-5989/15 od 02.10.2015. godine, dostavilo mišljenje na Proračunski zahtjev za federalni fond solidarnosti za 2016. godinu. U navedenom aktu, Federalno ministarstvo je izvijestilo ovaj zavod da su u Proračunu FBiH za 2016. godinu, pored sredstava planiranih za 2016. godinu za federalni fond solidarnosti i za Transfer za sufinansiranje troškova, planirana samo sredstva na ime pokrića dijela gubitka federalnog fonda solidarnosti iz 2011. godine u iznosu od 3.933.035 KM, ali ne i dijela gubitka iz 2013. godine u iznosu od 3.684.718 KM.